

ŠEMSUDIN SKEJIĆ
GRADSKI VIJEĆNIK
Septembar, 2023.godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

-PREDSJEDAVAJUĆI GRADSKOG VIJEĆA

Primljeno:	12 -10- 2023		
Org. jed.	Kl. ozna.	Red. broj	Br. priloga

01 04 2702/23

PREDMET: Vijećnička inicijativa

Donošenje odluke o subvencioniranju troškova liječenja djece i mlađih oboljelih od malignih bolesti (hemato-onkološki pacijenti) u iznosu od 1000 KM po pacijentu godišnje

Na osnovu člana 109. Poslovnika o radu Gradskog vijeća podnosim inicijativu za subvencioniranje troškova liječenja hemato-onkoloških pacijenata (djece i mlađih) Grada Zavidovići.

Usvajanjem ovakve Odluke djeca i mlađi hemato-onkološki pacijenti ostvarili bi subvenciju u iznosu od 1000 KM godišnje za svakog pacijenta.

Naime, prema nezvaničnim podacima kojima raspolažem (čuvajući njihovu privatnost), u ovom trenutku na području grada Zavidovići postoji oko petro djece koja se vode kao hemato-onkološki pacijenti i koji svoje liječenje i kontrole obavljaju na Hematoonkološkom odjeljenju Pedijatrijske klinike Univerzitetskog kliničkog centra u Sarajevu. Tačan broj hemato-onkoloških pacijenata moguće je po zahtjevu dobiti od JU Dom zdravlja Zavidovići, a da ih ima oko pet moja je procjena.

Liječenje od ove bolesti, je veoma dug, težak i traumatičan proces, koji zahtijeva kontinuiranu i dugotrajnu izolaciju djeteta od društva.

Njihova borba je borba za cijeli život i način života se od uspostavljanja dijagnoze potpuno mijenja. Liječenje je dugotrajno i mukotrpljivo i zahtijeva pored liječenja citostaticima, primjenu i drugih lijekova, operativne zahvate, stalne kontrole i psihološku pomoć.

Budući da se mnogi lijekovi ne mogu dobiti u domovima zdravlja i da se mnogi nalazi ne mogu uraditi u domovima zdravlja niti na Pedijatrijskoj klinici, roditelji su primorani raditi nalaze u privatnim laboratorijama, čak i u inostranstvu i kupovati lijekove, što iziskuje ogromne troškove koje roditelji ne mogu podnijeti. Dodatne troškove predstavljaju i stalni odlasci na kontrole u kliniku Univerzitetskog kliničkog centra u Sarajevu.

Način života se potpuno mijenja i u smislu ishrane koja mora biti kvalitetna, jer se djeci moraju omogućiti zdrave organske namirnice, vitamini i drugi razni suplementi koji će im pomoći tokom liječenja ali i kasnije nakon završetka liječenja, a sve to mnogo košta.

Posljedice bolesti, ali i posljedice liječenja, posebno hemoterapije, javljaju se i godinama nakon prestanka liječenja, te je djeci potreban stalni medicinski nadzor i praćenje.

Zbog svega navedenog predlažem da se iz Budžeta grada izdvoje novčana sredstva koja će biti namijenjena djeci i mlađima i koja će pomoći njihovim roditeljima da se lakše nose sa finansijskim teškoćama i sa svim onim što ove bolesti nose sa sobom.



Smatram da moramo pokazati odgovornost i solidarnost sa ovom djecom i njihovim roditeljima, moramo pokazati da nisu sami i staviti ih u vrh prioriteta.

Potrebna sredstva za realizaciju Inicijative predvidjeti u procesu usvajanja Budžeta Grada za 2024.godinu.

Gradski vijećnik
Šemsudin Skejić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOSKI KANTON
GRAD ZAVIDOVIĆI



Broj: 02-04-2096/23-AP-5

Datum: 11.10.2023. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Šemsudina Skejića za donošenje
Odluke o subvencioniranju troškova liječenje djece i mlađih
oboljelih od malignih bolesti (hema-onkološki pacijenti)
u iznosu od 1.000,00 KM po pacijentu godišnje, dostavlja se

U prilogu akta dostavljam vam stav po inicijativi vijećnika Šemsudina Skejića podnesenu za donošenje Odluke o subvencioniranju troškova liječenje djece i mlađih oboljelih od malignih bolesti (hema-onkološki pacijenti) u iznosu od 1.000,00 KM po pacijentu godišnje.

Stav po podnesenoj inicijativi dostavljam u skladu sa članom 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023).

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović





Broj: 02-04-2096/23-AP-4

Datum: 11.10.2023. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Šemsudina Skejića za donošenje Odluke o subvencioniranju troškova liječenje djece i mlađih oboljelih od malignih bolesti (hema-onkološki pacijenti) u iznosu od 1.000,00 KM po pacijentu godišnje dostavljam:

PREDMET: Stav po inicijativi vijećnika Šemsudina Skejića za donošenje
Odluke o subvencioniranju troškova liječenje djece i mlađih
oboljelih od malignih bolesti (hema-onkološki pacijenti)
u iznosu od 1.000,00 KM po pacijentu godišnje, dostavlja se

Inicijativu vijećnika Šemsudina Skejića za donošenje Odluke o subvencioniranju troškova liječenje djece i mlađih oboljelih od malignih bolesti (hema-onkološki pacijenti) u iznosu od 1.000,00 KM po pacijentu godišnje ne treba prihvati iz sljedećih razloga:

1. Subvencioniranje troškova liječenja djece i mlađih je u Budžetu Grada Zavidovići planirano i provodi se već nekoliko godina, postoji Transfer namijenjen isključivo za liječenje djece sa teškim bolestima.
2. U skladu sa Kriterijima za utrošak sredstava sa “Tekućeg transfera za pomoć u liječenju djece”, broj: 02-11-531/23-AP-2 od 22.02.2023. godine, odobrava se pomoć u trenutnom liječenju (liječenje u toku), za početak liječenja i terapiju djece sa područja Grada Zavidovići kroz sufinansiranje dijela nužnih i opravdanih visokih troškova liječenja kada se ti troškovi ne mogu podmiriti iz svih redovnih prihoda domaćinstva, i to:
 - teških bolesti,
 - urođenih i hroničnih oboljenja za koje je potreban stalni ili povremeni redovni liječnički nadzor i tretman,
 - ostalih bolesti sa dužim trajanjem ili za koje je potrebno intenzivno liječenje i poseban tretman,
 - liječenje bolesti i oštećenja organizma prilikom nesretnih okolnosti,
 - posebnih postupaka liječenja, terapija, hirurških zahvata u inostranstvu,
 - troškovi boravka djece i roditelja u zdravstvenim ustanovama.

Teška bolest je oboljenje kao što su akutna tuberkuloza, maligna oboljenja, endemska nefropatija, hirurške intervencije na srcu i mozgu, sve vrste degenerativnih oboljenja centralnog nervnog sistema, kardiovaskularnog sistema, infarkt (srčani i moždani),

oboljenja mišićnog sistema, paralize i druga teška oboljenja te teške povrede životno ili trajno zdravstveno ugrožavajuće nastale tokom nesretnih događaja i okolnosti. U ovu kategoriju se mogu svrstati i teže urođene i hronične bolesti koje ograničavaju fizičku i mentalnu sposobnost djeteta za samostalan život primjereno uzrastu, i druge teške bolesti po definiciji medicine.

3. Uz obrazložen zahtjev za dodjelu sredstava sa Transfera za liječenje djece, u zavisnosti od očekivanog vida pomoći, podnositelj zahtjeva je dužan priložiti i potrebnu dokumentaciju koja je navedena na propisanom obrascu zahtjeva a koji se može uzeti na Info pultu zgrade Gradskog organa uprave.
4. Planirana sredstva za ove namjene u Budžetu Grada Zavidovići za 2023. godinu su 35.000,00 KM i odobravaju se u iznosu od 1.000,00 KM i više po podnesenom zahtjevu ukoliko podnositelj ispunjava kriterije.

Kada se radi o malignim bolestima, pomoć za liječenje se odobrava po dijagnozi bez dokaza o troškovima liječenja.

S poštovanjem

Dostavljeno:

1. Naslovu,
2. U spis.

Obradila: Alenka Džaferović
(Selma Džaferović)

Kontrolisao: Ali
(Idriz Alihodžić)



GRADONAČELNIK
doc. dr. Hašim Mujanović